

Վարչական տույժ նշանակելու մասին

25 օգոստոսի 2021թ.

ք.Գյումրի

Հայաստանի Հանրապետության պետական եկամուտների կոմիտեի Հյուսիսային մաքսատուն-վարչության պետի պաշտոնակատար Վանիկ Հովհաննիսյանս, քննելով Ռոման Անատոլիի Սեմյոնովի /անձնագիր՝ 759739892, ք Գյումրի, Շահումյան փող 185/9/ կողմից մաքսային կանոնների խախտում կատարելու վերաբերյալ նյութերը.

Պ Ա Ր Զ Ե Ց Ի

Ռոման Անատոլիի Սեմյոնովը ՀՀ տարածք է ներմուծել աջ ղեկային տեղաբաշխմամբ TOYOTA ESTIMA մակնիշի, 2008 թվականի արտադրության, (VIN-ACR50-7063371) տրանսպորտային միջոց: Նշված տրանսպորտային միջոցը ձևակերպվել է թիվ 05100020/311219/0013632 ապրանքների հայտարարագրով: Վերամշակման ժամկետի ավարտը 29.07.2021 թվականն էր: Մինչև նշված ժամկետի լրանալը տրանսպորտային միջոցը պետք է հայտարարագրվեր <<Ներքին սպառման համար բացթողում>> մաքսային ընթացակարգով: Սակայն Ռոման Անատոլիի Սեմյոնովի կողմից նշված տրանսպորտային միջոցը և ուղեկցող փաստաթղթերը սահմանված ժամկետում մաքսային մարմին չեն ներկայացվել:

Փաստի կապակցությամբ 30.07.2021 թվականին Ռոման Անատոլիի Սեմյոնովի նկատմամբ կազմվել է մաքսային կանոնների խախտման վերաբերյալ արձանագրություն ՀՀ մաքսային օրենսգրքի 194-րդ հոդվածի հատկանիշներով:

Գործի քննությունը նշանակվել է 25.08.2021թ. ժամը 12:00-ին: Արձանագրության և ծանուցագրի օրինակը պատշաճ կարգով ուղարկվել է կողմին: Ռոման Անատոլիի Սեմյոնովը չի ներկայացել գործի քննությանը, որևէ առարկություն, բացատրություն չի ներկայացրել:

Սույն վարույթի շրջանակներում Ռոման Անատոլիի Սեմյոնովի հաշվառման վայրի վերաբերյալ ՀՀ ՊԵԿ Հյուսիսային մաքսատուն-վարչության պետի 03.08.2021թ. թիվ 27.2/47673-2021 գրությամբ հարցում է կատարվել ՀՀ ոստիկանության անձնագրային և վիզաների վարչություն: ՀՀ ոստիկանության անձնագրային և վիզաների վարչության 05.08.2021թ. թիվ 40450-2021 գրությամբ 16.06.2020թ. հանվել է Շիրակի մարզ, քաղաք Գյումրի, Շահումյան 185/9 հասցեի հաշվառումից՝ սեփականատիրոջ դիմումի համաձայն:

ՀՀ ՊԵԿ գլխավոր քարտուղարի 03.08.2021թ. թիվ 1/27.2/47675-2021 գրությամբ հարցում է կատարվել ՀՀ կադաստրի կոմիտե՝ քաղաքացու անվամբ գրանցված գույքի

վերաբերյալ՝ ըստ հասցեի: ՀՀ կադաստրի կոմիտեի 10.08.2021թ. թիվ 41318-2021 գրությամբ տեղեկացվել է նշված քաղաքացու անվամբ անշարժ գույքի գրանցման վերաբերյալ:

ՀՀ ՊԵԿ Հյուսիսային մաքսատուն-վարչության պետի 03.08.2021թ, թիվ Ն/27.2/136978-2021 գրությամբ հարցում է կատարվել ՀՀ ՊԵԿ ներքին անվտանգության վարչություն Ռոման Անատոլիի Սեմյոնովի սահմանատումների վերաբերյալ տեղեկատվություն ստանալու վերաբերյալ: ՀՀ ՊԵԿ Ներքին անվտանգության վարչության թիվ Ն/2-3/137479-2021 գրությամբ տրամադրված տեղեկությունների համաձայն Ռոման Անատոլիի Սեմյոնովը 23.04.2020թ. <<Զվարթնոց>> օդանավակայանի միջոցով դուրս է եկել Հայաստանի Հանրապետությունից:

ԵՏՄ մաքսային օրենսգրքի 190-րդ հոդվածի 2-րդ կետի համաձայն՝ «Ներքին սպառման համար վերամշակում» մաքսային ընթացակարգի գործողության ժամկետը սահմանվում է ներքին սպառման համար ապրանքների վերամշակման ժամկետի հիման վրա, որը սահմանված է ներքին սպառման համար ապրանքների վերամշակման պայմանների մասին փաստաթղթում:

Նույն հոդվածի 2-րդ մասի համաձայն՝ «Ներքին սպառման համար վերամշակում» մաքսային ընթացակարգի գործողության համար սահմանված ժամկետը երկարաձգվում է անձի դիմումի հիման վրա՝ ներքին սպառման համար ապրանքների վերամշակման ժամկետը երկարաձգելու դեպքում:

Նույն հոդվածի 3-րդ մասի համաձայն՝ անդամ պետությունների օրենսդրությամբ կարող է նախատեսվել, որ ներքին սպառման համար ապրանքների վերամշակման ժամկետը երկարաձգելիս, «ներքին սպառման համար վերամշակում» մաքսային ընթացակարգի գործողության սահմանված ժամկետը կարող է երկարաձգվել այն լրանալուց հետո հետո 10 աշխատանքային օրվանից ոչ ուշ: Մաքսային մարմնի կողմից սահմանված՝ «ներքին սպառման համար վերամշակում» մաքսային ընթացակարգի գործողության ժամկետը երկարաձգելիս այն լրանալուց հետո այդ մաքսային ընթացակարգի գործողությունը վերսկսվում է այդ մաքսային ընթացակարգը դադարելու օրվանից:

ԵՏՄ մաքսային օրենսգրքի 193-րդ հոդվածի 3-րդ կետի համաձայն՝ ներքին սպառման համար ապրանքների վերամշակման ժամկետը չի կարող գերազանցել 1 տարին կամ ապրանքների առանձին կատեգորիաների համար Հանձնաժողովի կողմից սահմանվող՝ ավելի տևական ժամկետը:

ՀՀ մաքսային օրենսգրքի 194-րդ հոդվածի համաձայն՝ սահմանված ժամկետում մաքսային մարմիններին ապրանքների և տրանսպորտային միջոցների վերաբերյալ մաքսային հայտարարագիր չներկայացնելը, ինչպես նաև մաքսային հսկողություն իրականացնելու համար ապրանքների և տրանսպորտային միջոցների վերաբերյալ

անհրաժեշտ փաստաթղթերը չներկայացնելը՝ անկախ գրավոր հայտարարագիր ներկայացնելուց՝ առաջացնում է տուգանքի նշանակում՝ 50.000 դրամի չափով:

Ելնելով վերոգրյալից և ղեկավարվելով ՀՀ մաքսային օրենսգրքի 194-րդ, 206-րդ և ՀՀ վարչական իրավախախտումների վերաբերյալ օրենսգրքի 32-րդ և 234-րդ հոդվածներով՝

Ո Ր Ո Շ Ե Ց Ի


1. Ռոման Անատոլիի Սեմյոնովին ճանաչել զանցառու ՀՀ մաքսային օրենսգրքի 194-րդ հոդվածով և նրա նկատմամբ նշանակել վարչական տուգանք 50.000 ՀՀ դրամի չափով:
2. Որոշման մասին հայտնել Ռոման Անատոլիի Սեմյոնովին:
3. Որոշումը կարող է բողոքարկվել վերադաս մաքսային մարմին կամ դատարան որոշումն ուժի մեջ մտնելուց հետո երկամսյա ժամկետում:

Սույն որոշմամբ նշանակված տուգանքն անհրաժեշտ է վճարել 900005024055 հաշվեհամարին (ՀՀ պետական բյուջե, կենտրոնական գանձապետարան, Հյուսիսային մաքսատուն-վարչություն, ԿՈՂ 28):

ՀՅՈՒՍԻՍԱՅԻՆ

ՄԱՔՍԱՏՈՒՆ-ՎԱՐՉՈՒԹՅԱՆ

ՊԵՏԻ ՊԱՇՏՈՆԱԿԱՏԱՐ



Վ.ՀՈՎՀԱՆՆԻՍՅԱՆ